

Урок №21

Дарснан кѹл: Саб составнан предложениейин жюрйир.

Саб составнан предложениейик кѹлин членарикан ялгъуз я подлежащее, ясана сказуемое кади шулу.

Саб составнан предложениейин гьамцдар жюрйир а:

1. Ччвур йивбан предложенийир (ялгъуз подлежащейикан ибарат ву): Йигъ. Ихъ гьул. Кюкйири дабалгнайи хяр.

2. Кас хъайи предложенийир: тьйин кас хъайи ва тьйин дару кас хъайи предложенийир (му предложенийириъ подлежащее адаршра, гьяракат апѹрайи кас глаголин кас улупбан аьхирариинди мялум шулу). **Месела:** Сан зат гьаахундарва (тьйин кас хъайи). Дацѹркну деъ, дюзди улх (тьйин дару кас хъайи предложение).

3. Кас хътру предложенийир. Чаъ подлежащее адру ва думу тьйинра апѹз даршлу предложенийириз кас хътру предложенийир кѹру. **Месела:** Мучѹ хьуз хьюгъю. Мани шула. Амси апѹра.

4. Тамам дару предложенийир.

Адаш гьюрайин?-Гьюра.

Фуж гьюра?-Адаш.

Шагъриз гьушунва?-Гьушунза.

Табшуругъ: Ичв урхбакан вая ляхникан диалог дюзмиш апѹинай. Диалогдиъ тамам дару предложенийир ишлетмиш апѹинай.

Урок №22

Дарснан кѹл: Аьдати предложениейин синтаксисдин разбор.

Аьдати предложение.

1. Гьам грамматика, гьам интонация жигъатнаан дюзмиш духънайи ва чав саб тамам вуйи фикир ачухъ апѹрайи чѹалнан уьлчмейиз предложение кѹру.

Улхурайи чав кѹрайибдихъди вуйи рафтар жигъатнаан предложенийир хабар тувбан, гьерхбан, амур апѹбан ва дих апѹбан предложенийириз жара шула.

Чпин мянайиз лигну предложенийир тасдикъ апІбандариз ва инкардариз жара шула. Месела: Гъи думу ляхниз гъягъюру (тасдикъ апІбан). Гъи думу ляхниз гъягъюрдар (инкарвалин).

2.Гафар предложенийириз дюзмиш гъашиган, дулар (кюмекчи чІалнан паяр ктарди) предложениемин членариз илтІикІуру. Табасаран чІалнаъ предложениемин членар йирхъуб а: подлежащее, сказуемое ва объект-кІулин членар ву; определение, дополнение ва обстоятельство-предложениемин кьубпи дережайин членар ву.

Предложениемин кІулин членариз дилигну, шубуб жюрейи предложенийир а: саб составнан, кьуб составнан ва шубуб составнан.

Ялгъуз кІулин членарикан ибарат вуйи предложениемиз ккатІабццу, хъа чак кьубпи дережайин членарра кайибдиз ккатІабццу предложение кІуру.

Месела: Абли лихура. Абли заводдиъ ужуди лихура.

Чпин гъурулушдиз дилигну предложенийир аьдатнандир, гъатІарццдар ва ктикьдар шулу.

Аьдати предложениемин синтаксисдин разбор апІбан схема.

1.Чан гъурулушдиз дилигну, предложение фунуб вуш, аьгъю апІуб (аьдати, кпикъу, гъатІабццу).

2.Улхурайири чав кІурайибдихъди вуйи рафтар жигъатнаан (**хабар тувбан, гьерхбан, амур апІбан**) предложенийир жара апІуб.

3. Улхурайирин интонацияйиз лигну (**дих апІбан** вая **дих апІбан дару**).

4.Чпин мянайиз дилигну (**тасдикъ апІбан** ва **инкарвалиндариз**) жара апІуб.

5.Составназ дилигну (**саб составнан, кьуб** вая **шубуб составнан**; эгер саб составнан предложение вуш, предложениемин асас группа (ччвур йивбан, кас хъайи вая хътру, тамам дару ва гъ.ж.) улупуб.

6.Кьубпи дережайин членариз дилигну (**ккатІабццу** вая **ккатІатІабццу**) предложение улупуб.

7.Ухъуз лазим вуйи вари членар каш (**тамам вуйи**) предложение улупуб.

8. Предложениеийин составнак кайи паяриз лигну (**саб жинснан членар, жара ап1ру кьубпи дережайин членар, аралугъ гафар ва аралугъ предложенийир, обращенийир кайи**).

Предложение схемайинди улупуб.

Аьдати предложениеийин синтаксисдин разбор ап1бан чешне:

сущ. прил. сущ. сущ. нареч. сост. глаг.

Уьрдги гьатху шюхьяр нирин гьирагъдихъинди хьади гьушу.

1. Гьурулушдиз дилигну, саб предложение ву. **Аьдати** предложение.

2. Рафтар жигъатнаан – **хабар тувбан** предложение.

3. Интонацияйиз лигну – **дих ап1уб кадру** предложение.

4. Мяннайиз лигну - **тасдикъ ап1бан** предложение.

5. Составназ дилигну - **шубуб составнан предложение:** шубуб к1улин член а: подлежащее (уьрдги - акт.п.), объект (шюхьяр - ччв.п.), составнан сказуемое (хьади гьушу).

6. Ккат1абццу предложение (**дополнение, определение ва обстоятельство**).

7. Тамам вуйи предложение (ухьуз лазим вуйи вари членар а).

8. Ктикьу паяр ктру предложение.

Гьамциб схемайинди улупуз шулу.

Уьрдги - (гьап1ну?) – хьади гьушну – (фйир?) - шюхьяр
(наанди?) ↓ (фйицдар?)
гьирагъдихъинди гьатху
(фтин?) ↓
нирин

Хулаз ляхин: Учву урхурайи эсериан кьуб простой предложениеийин синтаксисдин разбор ап1инай. Предложениеийин тяриф ап1руган, зиихъайи чешнейикан мянфяаьт кадабгъай.

